

a2^r

Der Wolgebor^{en}
 nen Frawen/ Frawen
 Katharina Råderin/
 Gebornen Schlickin/ Gråfin
 zu Paffaw vnd Weißkirchen/ 7c. Regieren^{de}
 deu Frawen auff Friedland/ Reichenberg vnnd
 Seydenberg/ 7c. Des weylant Wolgebornen
 Herrn/ Herrn Melchiors von Råderen/ Frey^{er}
 Herrns vnd Ritters/ Herrn auff Friedland/ Rei^{ch}
 chenberg vnd Seydenberg/ 7c. Rôm. Kåy. May.
 Rhat/ vnd Hoffkriegß Rhat Præfidenten/ General
 Feldt Marfchalcks in Hungern/ vnd Oberften zu
 Raab. Auch beyder Fürftlicher Durchleuch.
 Ertz Hertzog Matthiæ vnd Maximiliani zu
 Oefterreich Rhat/ 7c. hinderlaffenen
 Wunben: Meiner Gnådigen
 Frawen.

Wündfche ich Gottes Segen vnd
 alle felige Wolfarth.

Wolgeborne Grå^{fin}
 Gnådige Fraw/
 Man pflegt zu fagen/
 Das ein Chriften^{en}
 a ij Menfch

a2^v

Vorrede.

Menſch als deñ fein Leben recht
vnd wol anſtellen/ führen vnd
beſchließen könne/ wenn er täg-
lich vnd ftündlich an dieſe drey
Dinge dencket/ Nemlich/ an das
Beten/ darnach an die Buße/
vnd dann auch an das Ewige
Leben.

Dann Ertlich müſſen alle
Chriſtliche Hertzen bekennen/
das vns in dieſen letzten/ betrüb-
ten vñ gefehrlichen Zeiten nichts
ſo hoch von nöthen ſey/ als das
liebe Gebete/ durch welches wir
dem lieben Gotte nicht alleine
die gemeine Noth fürtragen/
ſondern auch gewißlich bey dem-
ſelben Hülffe/ Rettung/ vnd wo
nicht endliche vnd gântzliche Ab-
wendung der wolverdienenen
Straf-

a3^r

Vorrede.

Straffen/ jedoch derfelben gnädige Linderung erlangen können. Vnd ist freylich war/ was dorte der weife Heyde Neftor beym Homero faget/ nach dem er fich nach vollbrachtem Opffer mit den feinigen zu Tifche fetzen wolte/ als er fich diefer Worte verlauten ließ: Betet/ lieben Kinder / deñ wir bedürffen alle vnfers HErrn Gottes. Denn weil wir alle (wie S. Paulus zeuget) in jhme find/ leben vnd weben: So können wir auch des lieben Gebets keine Stunde noch Augenblick wol entperen. Vnd können wir auch kein beffer Werck verrichten/ als wenn wir Gott fleißig vnd andächtig anruffen. Wie denn
a iij der

a3^v

Vorrede.

der alte Lehrer Gregorius Nazianzenus mit zweyen Verßlin
bezeuget/ welche von dem alten
Herrn Camerario also find Lateinlich
vertiret worden:
Optimum opus manuum, has in cælum
tendere puras:
Atque pio castas fundere ab ore preces.
Das ist so viel gefagt/ Das/
nemlich/ diß das allerbeste
Werck vnserer Hende sey
wenn wir dieselben in wahrer
Reinigkeit vnd Zucht in
Himmel heben/ vñ ein reines
keufches Gebet aus einem
reinen keufchen Hertzen zu
Gotte gehen laffen.
Darnach aber fürs ander/
wenn wir nicht allein recht Be-
ten

a4^r

Vorrede.

ten/ fondern auch recht leben
wollen/ fo müffen wir auch der
Buße vñ der Bekerung zu Gott
dem HERRN mit nichten ver-
geffen. Denn kein recht Gebe-
te ohne wahre Buße vnd Beke-
rung gefchehen kan. So ift auch
der Chrifte Leben nichts anders/
als (wie die Alten habē pflegen
zu fagen) *affidua pœnitentia, &
perpetua lucta carnis & ſpiri-
tus/* Das ift/ Eine jmerwe-
rende Buße vñ Bekerung/
vnd ein ftettiger Kampf
vnd Streit des Fleifches vñ
des Geiftes. Sol nun das Ge-
bete nützlich vnd kräftig fein/ fo
muß auch wahre Buße darbey
fein. Hieher gehören viel Zeug-
niffe aus der Schrift/ welche
a iiij ich/

a4^v

Vorrede.

ich/ zu verhütung der weitleuff-
tigkeit/ allhier nicht wil anzie-
hen. Allein/ das kan ich vnge-
meldet nicht laffen/ das auch die
Heyden es darfür gehalten/ das/
nemlich/ durch das Gebet der
Gottlofen (das ift/ derjenigen/
wie wir zureden pflegen/ fo ohne
Bulfe Beten) GOtt mehr er-
zürnet vnd verbittert/ denn ge-
ftillet vnnd verfühnet werde.
Wie man denn liefet von dem
weifen Manne/ genandt Bias
von Priene. Denn als er auff
eine Zeit vber Waffer fchiffete/
vnd viel böfer Buben mit auff
dem Schiffe fuhren/ vnd fie
nun/ nach dem eine groffe for-
tun vnd Vngewitter enttundt/
das fie fich alle jhres Lebens be-
fahren

a5^r

Vorrede.

fahren muften/ hefftig zu jhren
Göttern vmb Hülffe vnd Ret-
tung fchrien/ fagte derfelbe zu
ihnen: Silete, ne vos hîc illi na-
vigare fentiant. Ach/ fagte er/
Schweiget gleich fo mehr
ftille/ damit es die Götter
nicht innen werden/ das
jhr mit auff dem Schiffe
feyd/ fonft wird es vmb vns
alle miteinander gefchehen
fein.

Fürs Dritte/ Jft nun noch
eines vbrig/ das zu einem Gott-
feligen vnd Chriftlichen Leben
gehöret/ Nemlich/ die Betrach-
tung des Ewigen Lebens/ wel-
ches auff die zwey vorgehende
jimmer zu folgen pfelet. Denn

a v dar

a5^v

Vorrede.

darvmb Betet man/ Darvmb
lebet man in fteter Buße/ damit
wir dermal eines aus lauter
Gnaden/ vnd allein vmb des
HERRN Chriffti willen mö^g
gen des Ewigen Lebens mit al-
len Außerehlten theylhafftig
werden. Wer nun offft/ oder
viel mehr allezeit an das Ewige
Leben dencket/ der wird des lie-
ben Gebets/ fo wol auch der Be-
kehrung zu GOtt nimmermehr
vergeffen/ vnd alfo ein recht
Chriftliches vnd GOtt wolge-
felliges Leben führen. Wolte
Gott/ das alle Menfchen diß
bedächten/ fo würde es man-
chem vmb fein Chriftenthumb
ein gröffer Ernft fein. Drumb
ifts von nöthen/ das wir mit
dem

a6^r

Vorrede.

dem alten Lehrer Hieronymo
oftt an das künftige Leben vnd
an das Jüngste Gerichte geden-
cken/ Der denn von ihme selber
saget/ Das er täglich/ wenn er
des Morgens aus seinem Bet-
te auffstehe/ vnd des Abendts
sich widervmb niederlege / Auch
wenn er esse/ trincke/ lese/ schrei-
be/ oder etwas anders fürhabe/
ihme ftets für die Augen stelle
das Bilde des Jüngsten Ge-
richtes/ vnd lasse ihme jimmer-
dar in seinen Ohren klingen/ die
Stimme des Sohnes Gottes/
wenn Er ruffen wird: Stehet
auff jhr Todten/ vnd kommet
für Berichte.

Derhalben/ Wolgebor-
ne Gräfin/ Gnädige Fraw/
Weil

a6^v

Vorrede.

Weil denn an diesen dreyen erzehleten Stücken alles gelegen ist/ das man wol vnd Chriftlich leben könne: So haben sich freylich die Chriftlichen alten Lehrer gar wol vmb die Kirche Chrifti vnd Gottfelige Hertzen verdient/ die mit ihren Büchlein vnd Schrifften darzu geholfen/ in deme sie nützlich vnd feinfeltig erkläret/ wie man recht Beten/ Buße thun/ vnd das zukünftige mit Frucht betrachten solle. Vnter welchen getrewen Lehrern faßt der vornemeste der liebe Auguftinus ist gewefen/ wie allhie diese drey Büchlein vnd Tractätlein (der andern feiner gar vielfeltigen/ nützlichen vnd Geiftreichen Bücher geschwie-

a7^r

Vorrede.

geschwiegen) außweifen/ Welche denn von dem Ehrnheften vnd Wolgelehrten Herren Heinrich Räteln dem Eltern zum Sagan/ feliger Gedächtnuß/ aus dem Lateinischen verftendlich in die Deutſche Sprache vbergefetzet/ vnd erft newlich mir von feinen Erben in Druck auff meine Vnkoften zu geben zugefchicket find worden/ Wiewol das dritte Büchlin ſchon lenger zuvor auch ift gedruckt worden/ Weil aber die Exemplar alle diftrahirt vnd verthan/ vnd ſich daffelbe zu den erften zweyen Tractätlin nicht vbel ſchicket/ habe ich folches widerumb auffiegen/ vnd neben der Beſchreibung von S. Auguftini

a7^v

Vorrede.

guftini Wandel vnd Leben/ an
diele zwey Büchlein anhangen
wollen/ in tröftlicher Zuverficht/
weil ein recht Chriftlich Leben
auff dem Gebete/ Buße vñ
Betrachtung des Ewigen
Lebens vnd der Herrlichkeit
beftehet/ frome Hertzen werden
folch mein Vorhaben im beften
vermercken/ vnd jnen nicht vbel
gefallen laffen.

Das aber/ Wolgebor-
ne vnd Gnådige Fraw Gråfin/
ich folche drey Tractätlein vnd
Büchlein des lieben Auguftini
vnter Ewer Gnaden herrlichen
Namen aus meiner Buchdru-
ckerey habe wollen außgehen
laffen/ habe ich/ wie ich erachte/
hohe

a8^r

Vorrede.

hohe vnd billiche Vrfache. Deñ
ich in Warheit bekennen muß/
das E. Gn. Hochgeliebter Herr/
Der Wolgeborne Herr/
Herr Melchior von Rãð
dern/ Frey Herr vnd Ritð
ter/ Herr auff Friedland/
Reichenberg vnnd Seyð
denberg/ 7c. Rôm. Kåy.
May. Rhat/ 7c. vnd Hoð
fe Kriegß Rhat Præfident/
General Feldt Marfchall
in Hungern/ vnd Oberð
fter zu Raabe/ 7c. Auch
beyder Fürftlich. Durchl.
Ertz Hertzogen zu Oefterð
reich/ Matthiæ vnd Mað
ximið

a8^v

Vorrede.

ximliani Rath/ 7c. Mein
Genädiger Herr (deffen löbli-
cher Namen in ewigem Ge-
dächtnuß sein müffe) mir mit
befondern Gnaden bewogen/
mich auff feinem Schloß zu
Friedlandt mit groffen Gna-
den gehöret/ sich mit mir nach
der lenge vnterredet/ vnd mir
sonft allerley Gnädige Beför-
derung bewiefen/ Welche feine
groffe Gnade vnd Freundlig-
keit ich nimmermehr genugfam
rühmen noch preysen kan. Weil
denn E. Gn. vielgeliebter/ vnd
nun mehr in GOtt ruhender
Herr/ im gantzen Römifchen
Reich/ ja viel mehr in der gan-
tzen Chriftenheit ein ehrliches
vñ ewiges Gedächtnuß nach sich
ver-

b1^r

Vorrede.

verlassen/ also das man von fei-
nem Ehrlichen Namen vñ Rit-
terlichen Thaten wird zu fagen
wiffen/ weil die Welt ftehen
wird/ vnd ehrliche Ritters Leu-
te fein vnd leben werden/ Als ha-
be ich mein Danckbares Gemü-
te zu dem mal gegen E. Gn. nur
etlicher maffen erklären wollen/
weil ichs bey Leben E. Gn. viel-
geliebten Herrn nicht habe thun
können.

So hat mich auch darnach
zu diefer dedication diß bewe-
get/ weil S. Auguftinus das
Büchlin/ Wie man recht Beten
fol/ einer vornemen Witwen
hat zugefchrieben/ So habe ichs
auch für billich angefehen/ E.
n. diefe Deutfche Arbeit zu-

b zufchrei-

b1^v

Vorrede.

zufchreibē/ Sonderlich/ weil E.
G. nun mehr auch/ nach Gottes
genädigem Willen/ in den be-
trübten WitwenStand gefetzt/
dazu auß hohem Staḿe vñ Ge-
schlechte geboren/ auch vber diß
alles täglich jre gewiffe Betfun-
den zu halten/ vnd jre grōfte Luft
an Gottes Worte zu haben pfe-
get/ Auch erft newlich/ zu meh-
rer Vbung jhrer BetStunden
vnd fortpflantzung der rechten
reinen Chriftlichen Religion/ ei-
ne neue Kirch zu Reichenberg
auff jrem Schlosse auffgebawt/
vnd jhr also damit ein ewig Ge-
dächtnuß gefiftet/ vnd hierin
fürnemlich gefolget der Verma-
nung des Heyligen Geiftes/ da
er im 24. Pfalm die hohen Re-
gen-

b2^r

Vorrede.

genten also anpricht: Machtet
die Thore weit/ vñ die Thü-
ren in der Welt hoch/ das
der König der Ehren ein-
ziehe.

Verhoffe denmach gentlich/
Ew. Gn. werde folche drey ver-
deutchte Büchlein in groffen
Gnaden von mir auff vnd an-
nemen/ dieselben fleiffig vnd mit
Andacht betrachten/ mein da-
bey im besten gedencken/ vnd
mir für Jhre Person gleiches-
falls wie Jhr vielgeliebter feli-
ger Herr/ in Gnaden gewogen
sein vnd bleiben.

Der ewige Allmächtige Gott
wolle E. G. sampt jrem hochge-
liebten Son vñ Jungen Herrn/
Dem Wolgebornen Her-

b ij ren/

b2^v

Vorrede.

ren/ Herren Chriftoffen
von Rådern/ Frey Herrn
auff Friedlandt/ Reichen-
berg vnd Seydenberg/ 7c.
Meinem Gnådigen Herrn/ E.
Gn. einigen vnd allerliebften
3weiglein/ mit allen Gnaden
vñ reichem Segen beywohnen/
E. G. langwirige Gefundtheit/
Glückfelige Regierung/ auch
derfelben Hertzliebften Jungen
Herrn Glücke vnd felices pro-
greffus zu feinen ftudijs verley-
hen/ damit Er in feines lieben
Herrn Vatern vnd Fraw Mut-
ter Hochlößliche/ Chriftliche/
Adeliche Fußtapffen treten/
vnd auch Arte & Marte potens,
wie fein Herr Vater gewefen/
werden möge.

Thue

b3^r

Vorrede.

Thue hiemit E. G. mit
derfelben Hochgeliebten Jun-
gen Herrn in Gottes gnädigen
Schutz vnd Schirm befehlen/
jhnem darbey an beyden theylen
ein Glückfeliges Frewdenrei-
ches Newes Jahr wündfchend.
Gegeben zu Görlitz auff der
Buchdruckerey/ Anno CHRISTI
1604. den 24. Decembr. an
welchem Tage im Jahr Chrifti
1487. Der Wolgeborne Herr
vnd Grafe/ Herr Stephan
Schlick geboren/ welcher das
Bergwerck im Joachims Thal
zu bawen angefangen/ vñ nach-
mals im Jahr Chrifti 1526.
feines Alters im 39. Jampt
Ludwigen dem Könige in
Hungern in einer Schlacht mit
b iij den

b3^v

Vorrede.

den Türcken iſt vmbkommen/
Welchem denn der Allmächtige
GOTT/ ſo wol auch allen andern
RitterſLeuten/ ſo jhr Gutt vnd
Blut/ Leib vnd Leben/ wider den
Türkifchen Blutt Hundt vnd
Erb Feind des Chriftlichen Na-
mens gewaget/ auffgefetzet vnd
vergolffen haben/ am Jüngſten
Tage eine fröliche Aufferſtehung
von den Todten verleyhen/ vnd
die rechte Siegß vñ Ehren Kro-
ne des Ewigen Lebens aus Gna-
den geben vnd auffſetzen wolle/
Amen.

E. Gn.

Dienſtgeflieffener
allezeit

IOHANNES RHAMBA
Buchdrucker daſelbft.